



Kommune Kujalleq,  
Kanukoka  
Piareersarfiit  
Atuarfiit  
Nunaqarfiit kujataanni  
Angajoqqaarsiat  
Ullup unnuarlu kujataanni paaqqinniffiit

12. jul 2011  
Sagsnr. 2010-041690  
Dok. Nr. 678795

## **Qaaqqusissut**

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: in@nanoq.gl  
www.nanoq.gl

## **Meeqqanut inuusuttunullu suliani suliniuteqareermermi malinnaaneq**

### **Suliniuteqareermermi malinnaasarneq pillugu isumasioqatigiinnissamut 4.- 5. - 6. oktobari 2011 Qaortumi Sulisartut Højskoliani pisussamut qaaqqusissut.**

Isumasioqatigiinnermi suliniuteqareermermi malinnaasarneq ikiorsiissutitut qanoq atorneqarsinnaanersoq sammineqassaaq.

Suliniuteqareermermi malinnaanermi inuusuttut assersuutigalugu ilaqutariinni paarsisartuni imaluunniit ulloq unnuarlu paaqqinnittarfimmi alliantorsimasut atuarfimmi ingerlaqqinnissaminut, suliffimmik misiliinnermut sulilernerminnullu tapersorneqarnissaat qulakkeerneqassaaq. Inuusuttutaaq attaveqarniarnerminni inooqatigiinnermilu attaveqalernissaminut aamma aningaasaqarneq pillugu siunnersorneqarnissaminik pisariaqartitsisinnaasarput.

Suliniuteqareermermi malinnaasarneq inuusuttut ataasiakkaat pisariaqartitaat kissaataallu malillugit naliliinik pilersaaruserneqarsinnaavoq.

Isumasioqatigiinneq kommuninut sammitaavoq; pineqarlutik pisortat isumaginninnermilu ataatsimiititaliat ilaasortai, ilaqutariinnut paarsisartunut siunnersortit, sulianik ingerlatsisut miljømedarbejderit il.il. Ulloq unnuarlu paaqqinnittarfinniit; pisortat perorsaasullu. Ilaqutariinnik paarsisartut peqatigiiffianniit sinniisut, Piareersarfiit atuarfianniit aamma Kanukokamiit sinniisut.

2008-mi Nuummi Nunanut Avannarlernut Ilaqutariinneq pillugu ataatsimiititsinermi (Nordisk Konference om Familie) nalunaarummut ilassummi atuarneqarsinnaavoq, inuusuttunik arlalinnik assersuutissaqartoq, ilaqutariinnit paarsisartunit qimaguk-kaagamik nammineersinnaanngitsut. Ilaatigut ilaat ajornartorsiuteqalersarput, ilinniarnerminnik naammassinninngitsoortarlutik. Tamaat ataatsimut isigalugu meeqqat inuusuttullu ilaqutariinnut paarsisartunut imaluunniit ulloq unnuarlu paaqqinnittarfinnut inissinneqarsimasut, inissinneqarnerat sioqqullugu ajoquserneqareersimasarput, 18-nik ukioqalereeraluarnermiluunniit ikiorneqarnissamik pisariaqartitsinermik kinguneqartartumik.

Kisianni misilittakkat takutippaat suliniuteqareermermi malinnaanermik periarfissaq tamakkiisumik Kalaallit Nunaanni atorneqanngitsoq. Taamaammat meeqqanut inuusuttunullu tunngasuni suliniuteqareermermi malinnaaneq qanoq atorsinnaavarput? Qanoq ilionnikkut meeqqanik inuusuttunillu suliniuteqareermermi malinnaaneq siammartersinnaavarput?

Siunissami aqquasaagassatsinnut unamminartunut inunnik nukittuunik pisariaqartitsivugut - uagullu qulakkeertariaqarparput, inuiaqatigiittut nukittuunik innuttaqarnissaq. Taamaammat isumagisariaqarparput meeqqatta inussuttattalu pitsaanerpaanik periarfissaqarnissaat, alliarturnerminnilu pitsaanerpaanik atugaqarnissaat.

Tamanna tunngavigalugu Ilaqutariinnermut, Kultureqarnermut, Ilageeqarnermut Naligiissitaanermullu Naalackersuisoqarfiup kissaatigaa sulinermi peqataasut tamaneersut, sulinerminnut atatillugu meeqqanut inuusuttunullu tunngasunik suliaqartartut katersussallugit. Isumasioqatigiinnermi pingaarnertut siunertaavoq suliniuteqareermermi malinnaasarnerup atornissaa paasinarsassallugu. Isumasioqatigiinneq ilinniarsimasut sulinermi peqataasut siumut isigisumik isumassarsiorfigisinnaavaat, ikiutissanik periarfissanillu misilittakkanik avitseqatigiinnikkut, Kalaallit Nunaanni, Norgemi Danmarkimilu ilisimasat nutaat misilittakkallu tunngavigalugit.



Isumasioqatigiinneq kommunit suliniuteqareermermi malinnaasarnermik atuinernik nukittorsaanissamik politikikkut kissateqarnermik aallaaveqarpoq, meeqqanik inuusuttunillu suliniuteqareermermi malinnaanermik ingerlatseqataasinnaasunut, sulinermi peqataasunit periarfissat pillugit eqqartueqatiginerisigut. Isumasioqatigiinnermi peqataasussat ilanngussassaannut tamanna eqqarsaatigil-luaqquneqarpoq.

Isumasioqatigiinnermi saqqummiisussat pissanganartut arlallit naapinneqar-sinnaassapput, aammattaaq isumassarsianik ilisimasanillu suleqatigiiaani ilinniar-simasunik allanik avitseqatigiittoqartarnissaa periarfissaavoq. Suleqatigeeqarnissaanik siunertarineqarpoq suliniuteqareermermi malinnaasarnermut tunngasunik annertusaa-nissamat isumassarsiornissaq.

Isumasioqatigiinnermi toqqaannartumik nutserisoqassaaq. Aaqqissuussat naggataarner-siorluni højskolemi nereqatigiinnermik naggaserneqassaaq.

Ilaqutariinnermut, Kultureqarnermut, Ilageeqarnermut Naligiissitaanermullu Naalakker-suisoqarfiup peqataasussat angalanerat ineqarnerallu isumasioqatigiinnerup nalaani nerisaqarneq akilissavai. Nerisaqarneq isumasioqatigiinneq sioqqullugu kingornalu, kiisalu ullormusiat sulisitsisumit akilerneqassapput.

Peqataaniarluni nalunaarneq Andu S. Olsenimut e-mail: [andu@nanog.gl](mailto:andu@nanog.gl) imal. [ikinn@nanog.gl](mailto:ikinn@nanog.gl) pissaaq, peqataasussat atii, suliffiup adressia nalunaarutigalugit. Peqataanissamut nalunaarfissaq kingulleq 15. septembari 2011. Angalanissamut pilersaarut, bilitsi programmilu allakkatigut (mail) nassiunneqassapput. Peqataasussamiit kingusinnerusukkut allanngortitsisoqarpat, qaavatigut aningaasartuutit sulisitsisumit akilerneqassapput. Qaqortumiit, Narsamiit, Nanortalimmiit nunaqarfinniillu ilaasussanut inissat 45 missaanniipput.

Pilersaarut ukianut nassiunneqarumaarpoq.

Peqataalluarisi!

Inussiarnersumik inuulluaqqusillunga

Andu Schiødt Olsen  
Toqq/direkte 346642  
[andu@nanog.gl](mailto:andu@nanog.gl)